

中華民國三年一月七號
行政公署政報處發行

湖南政報

本報價目

一 本報按照陽歷每日出報一本
一 每分每月收回大洋六角
一 零售每分銅元三枚

一 外埠購報郵費以購報之多寡酌加
一 夫役送報如有遺漏請即函告以便補發

長沙育嬰街宏文社印刷

目錄

命令

省令

都督兼民政長令 九則

公電

本省發電

都督兼民政長致參謀陸軍部電

都督兼民政長致湘鄉縣知事電

都督兼民政長致會同縣知事電

中央來電

參謀陸軍兩部致各省都督電

各省來電

山東靳都督田民政長致國務院參謀部陸軍部

各省都督民政長電

鄂民政長致 都督兼民政長電

黔護軍使致 都督兼民政長電

各屬來電

會同知事呈 都督兼民政長電

綏甯知事呈 都督兼民政長國稅廳長電

公文

都督兼民政長致 教育部函

都督兼民政長致 司法部函

都督兼民政長致國稅廳籌備處函

呈批

都督兼民政長批 五則

命令

大總統令

兼代陸軍總長周自齊呈請將勦辦新舊木蒙匪出力之王坦授爲陸軍砲兵上校馬鴻烈陳照春授爲陸軍步兵中校馮玉榮授爲陸軍騎兵中校應照准此令

兼代陸軍總長周自齊呈請授羅瑞芝爲陸軍步兵中校並加陸軍步兵上校銜員凌銜爲陸軍砲兵上尉並加陸軍砲兵少校銜應照准此令

陸軍總長段祺瑞呈請授羅殿英張樹樛李炳西沈德恩汪肇熙明道魁陳世澤張品三馮鴻澤吳懷恩胡金城田登階彭海棠趙國蔭蘇文彬王寶善汪紹宸趙景蘭梁治棟劉克誠楊慶洛何心貞宗連升蔣魁英高飛漢田執中劉彬吳淇楊保銘王之泰馬連升爲陸軍步兵上尉于元熙朱漢清楊忠魁爲陸軍騎兵上尉韓有慶牛達德白緝仲楊同文爲陸軍砲兵上尉程則著爲陸軍憲兵中尉沙蘭波段慶祥吳維新金瓊李本立賈世忠王恩深李長勝穆玉魁馬錫川李雲龍史紀和周俊臣趙玉山夏連春侯升陳光前郝登魁胡振武盧棠珂楊喜春徐梅芬王清源爲陸軍步兵中尉傅清榮趙鳳鳴楊潤身爲陸軍騎兵中尉楊明昇秦武星張冠英爲陸軍砲兵中尉石瑜寇振山田誥青牛秉鑑聶慎敖蔣春臺李元明于興長韓得功郭振岡張自元劉錫元王守功蘇薰馮秉正戴春纓趙士相章鴻荃馮敏滋張廣熙賈福昌賡蔭檀劉長林崔國翰信廷佐福祥馮保昌張福昆趙文治楊維藩張文華張中和劉淇山葉孟鄰宋秉

信于濟雁李秀岩徐占勳孔昭榮張培成劉向辰王福延尙玉貴安玉麟張寶善孫象璞李光
宇管難翔爲陸軍步兵少尉王啓祥趙福長邵永清路錦堂王玉魁劉奎藻爲陸軍砲兵少尉
應照准此令

陸軍總長段祺瑞呈請授陳文明滕祖輝王登科王啓運蔡逢旺楊鴻恩石上林程貴張繼曾
張芝楷王興泰高樹春艾懷珍張建藩普振蕭玉堂李人泰侯善長如春劉慶有張清福竇琨
連劉得勝張錦廣張喜昌馬新和余照張祥齡宋之鴻馬恭修翁雅芬楊玉崑梅葆華爲陸軍
步兵上尉薩立畚蒼保芳甄勛成趙鴻慶高寶柱趙正山方聯璧崇際盛顧金榮劉雋芳陳泰
炎舒宗泰李恩保王得龍雷朝合王秀嶺張清田楊清林華春榮吳魁元紀宗瞻蔡慶釗馬鳳
舞王學亮爲陸軍步兵中尉潘來賓王保恒馬登瀛胡全昌張得福王得全傅華臣上官執中
方玉鏡姚慰民齊鼎甲張福泰劉振聲關榮義李振慶孫德寬文廣福邢玉堂楊培偉張福順
李慶長何玉林金冠俊李庚朱何登義王振綱孫照耕張得福陸蔭棠李金升李景元丁福田
陳景文馬成清李舒華田瑞朋陳毓庚管德芳任昭義趙洪勝張孝忠劉樹林劉芳春周漢三
馬炳綸張義庸商德功賈崑玉爲陸軍步兵少尉應照准此令

司法總長梁啓超呈稱編纂房宗嶽呈請辭職房宗嶽准免本官此令

內務總長朱啓鈴呈稱禮俗司司長杜關呈請辭職杜關准免本官此令

中華民國二年十二月二十九日

汪榮寶給予二等嘉禾章此令

王揖唐給予二等嘉禾章此令

江庸給予二等嘉禾章馬德潤王淮琛田荆華給予四等嘉禾章潘元澂胡祥麟沙亮功給予五等嘉禾章此令

楊壽枏給予三等嘉禾章此令

羅文幹姚震汪曦芝朱深給予三等嘉禾章陳經賈晉給予四等嘉禾章劉豫瑤尹朝楨王元增給予五等嘉禾章此令

徐寶珍給予二等文虎章此令

張仁奎給予二等文虎章此令

徐啓修給予三等文虎章此令

據兼代領福建都督劉冠雄電稱福建財政困難請裁去都督以節經費等語福建都督缺著即裁撤交鎮守使接管劉冠雄俟經手事件清理完竣回京供職此令

福建都督缺已裁撤孫道仁留京任用此令

任命高松如督辦兩湖官銀錢局事宜此令

張仁奎加陸軍中將銜此令

吳皓授爲陸軍少將此令

劉玉琦梁國璋均加陸軍少將銜此令

內務總長朱啓鈴呈稱裁缺衛生司司長伍晟請免去本官改任爲技正等語應照准此令

內務總長朱啓鈴呈請任命于寶軒爲司長應照准此令

內務總長朱啓鈴呈請任命周秉清爲技正許德芬王文豹王承吉爲僉事應照准此令

財政總長熊希齡呈請任命沈慶輝爲僉事應照准此令

領參謀總長事黎元洪呈請任命丁焜年署湖北荊州鎮守使署參謀長應照准此令

兼代陸軍總長周自齊呈請授李允昌辛樹毅爲陸軍步兵中校倪道燭爲陸軍步兵少校應

照准此令

中華民國二年十二月卅日

省令

都督兼民政長訓令

令新田知事

案據該縣城區議董兩會呈稱新邑議參會蔣繼詡鄭榮燊等不解自治動以立法機關自居妄更定章措還路股議加附捐擅提平餘各欸建造公所戲臺大興土木以有限之財力供無窮之濫費人言嘖嘖是以縷晰呈請嚴禁在案茲奉內務司批回蔣繼詡等不按章程不顧事實於上下兩級之間倡立五鄉事務所巧立名目濫費金錢殊屬不合據稱提用平餘挪用路股並議每丁銀壹兩加附捐八百等情查錢糧截留原作地方行政經費鐵路租股實屬花戶基本之資至附捐數日照章不得過原徵捐稅十分之一何得任意苛取累擾民生所控如果非虛尤屬荒謬已極仰新田縣知事確切查明嚴禁附捐追還路股各欸並勒令將該事務所立即取消以符定章而杜濫費並奉財政司批同前由奉此敝會當即進謁知事面請遵批執行並請出示曉諭俾各花戶照舊完納收回壬子路股乃面請日久寂然無聞而該議參會蔣繼詡等愈行跋扈復敢多添泥木工匠土木加倍大興並連日在事務所聚議主持反抗聲稱該會議定之案無論如何不得變更以致議加附捐如故措還壬子路股如故建造公所戲臺如故不特顯違批示且於強暴苛擾更有蒸蒸日上之勢敝會念此民力維艱祇得再四造請知事遵批執行而十餘日之久始將五鄉事務所牌名改書商場事務所名雖畧異實際無殊

即與批示巧立名目濫費金錢者又復見於今日矣更可異者田賦新章一項逾限不還須按期加息原以懲疲玩而別遲速通行有案各屬同然今該議參會不行月息任意改短銀元價值並宣布銀行紙幣不收如欲收用必須短價方可剝取民財供彼濫費苛索伎倆渠輩肆爲又今歲境內貧民乏食徐希庶樂奏三等赴省請借省倉穀壹千石買舟運解甫抵桂陽州屬之里坪墟地方見早稻漸次登場遂即停泊該處將穀變賣現銀餘穀寄存境內南鄉之三台書院該存穀現供事務所各匠支用實於民間未沾斗升惠濟昨聞催繳稱言實欠在民不識何民所欠噫此事敢欺何事不敢欺今該議參會所以主加附捐捐還路股者實因濫耗無度故託詞於行政經費有虧藉彌濫用之費查新邑週年辦公經費除因案罰金不計外總計所入實有二萬餘串之多前呈註明應毋庸贅約計週年所出祇司法署與公立高等小學校各提撥平餘貳千六百串週年共計五千二百餘串行政廳長每月大邊百元洋支千毫週年綜計二千六百串之譜其警察一項向財產管理處支取者祇一警務公所週年不過一千五百串至於署長巡長巡士等項歸城區擔負並未提撥絲毫平餘除各處支用外其餘萬餘串概歸縣議參會行政廳科員書記辦公火食之用就所入計所出萬不至經費虧欠重斂民間明係濫費累陷惡迹昭然此等行爲實爲人所共憤法所不容而知事李一意徇情礙面並不遵批執行實屬縱獸殃民民何以生是以再行呈請都督俯賜察核一面令飭將該議參會改選一面簡委幹員下縣澈究以杜累擾等情到署據此查各縣自治各會現經另案通飭一律解

散依法更選在案據呈該縣前議參兩會倡設五鄉事務所巧立名目指還路股議加附捐既經內務司明晰批飭應由該縣行政廳照批嚴重執行至所稱該縣前領省倉穀石因秋收已屆或已變價或尚存倉迨經催繳該前議參兩會捏稱民欠如果確實亟應併案查究以重倉儲合行令仰該知事即便遵照文內事理分別查明核辦具覆察考此令

湖南民

政長印

中華民國二年十二月三十一日

都督兼民政長訓令

令攸縣知事

案據該縣春江安西黃圖等鎮議董各會具呈初等小學教員養成所學生王矜式等誣控縣議會議員陳探林周集勳康劉鏗蔡鎮清等不合資格請飭恢復名譽各等情到署據此查此案前據該縣選民謝榮森等具呈爲陳探林等申辯當經批行內務司飭縣查明持平辦理在案現在各縣議董各會業經另案通令解散陳探林等議員資格當然消滅惟王矜式原控陳探林等各節既據謝榮森等及各該議董會先後呈辯自應澈查虛實分別究坐以判薰蕕爲此令仰該知事即便遵照前令批令切實查明秉公究辦具報此令

湖南民
政長印

中華民國二年十二月三十一日

都督兼民政長訓令

令攸縣知事

案據該六鎮公民李估劉蔚等爲自治機關名稱雖易內容如故呈請取銷以蘇民困等情據此除批各屬自治議董各會成立之初多非依法選舉以致百弊叢生現經通令解散更選在案據呈各情候令行攸縣知事迅即查明照案辦理可也此批掛發外爲此令仰該縣知事即便遵照此令

湖南民
政長印

中華民國二年十二月三十一日

都督兼民政長訓令

令常寧縣知事

案據常寧僧五元稟吳功臣等強制提充清雲山菴產以歸學校請追還等情據此除批此案纏訟多年何以迄今延未斷結候令行常寧縣知事查明清雲山菴產公私性質分別辦理此

批挂發外合行令仰該縣知事即便查照辦理此令

湖南民

政長印

中華民國二年十二月三十一日

都督兼民政長訓令

令邵陽縣知事

案據邵陽姜敬德等稟姜應亭等違章藐法懇委切究等情據此除批查此案前據控經譚前督批司飭縣查辦在案據呈前情仰候令行邵陽縣知事迅即訊明究結無令纏訟此批挂發外爲此令行該縣知事即便查照辦理此令

湖南民

政長印

中華民國二年十二月三十一日

都督兼民政長指令

令長沙知事

案據長沙彭雨生呈羅印潭等強暴毀傷懇究懲等情據此除批據呈各情候令行長沙縣知事秉公查明核辦此批掛發外爲此令仰該知事即便遵照此令

湖南民
政長印

中華民國二年十二月三十一日

都督兼民政長訓令

令郴縣知事

案據該縣西鳳鄉孀婦張首氏呈稱張天錫壓捐勒繳懇取銷提究等情據此除批興辦族學富有貲財者固應量力助捐然只應聽其樂輸不得稍事抑勒據呈各節如果屬實張天錫殊爲不法候令行郴縣知事函知法院秉公辦理該氏亦即回縣備質毋得藉詞戀瀆此批掛發外合行令仰該知事即便遵批辦理此令

湖南民
政長印

中華民國二年十二月三十一日

都督兼民政長訓令

令郴縣知事

案據該縣秀才鄉秀良區陳澤楷等稟稱黃茂等假公強佔開法寺產等情據此除批開法寺產如係爾等私人私置斷無由黃茂等強佔之理惟辭出一面殊難憑信候令行郴縣知事確

切查明分別核辦此批掛發外合行令仰該縣即便查照辦理此令

湖南民
政長印

中華民國二年十二月三十一日

都督兼民政長訓令

令醴陵縣知事

案據醴陵縣北四區公民潘春藻邱文亮宋墨緣蔣其旭潘湘畹鍾國珍易明謙朱澤湘李南陔程壽生朱大度宋崇吾蔣惕乾黃恩臻鄧永年吳雨亭陳希芸楊名聲何竹泉蔣英譚山如曾家條蔣有新鍾芷庭宋名勢朱兆修傅紹基何瀛漢譚曉山易裕風程名提胡重連程衣松唐家書等呈稱爲一黨再黨粘懇提究事我區自治職員宋際隆傅儒門李俊如宋繼忠宋璋如鍾文棠怙惡不悛擢髮難數皆恃知事羅彥芳黨惡所致也激民等前臚惡欸呈縣始則攔批繼則批斥迫民等以原詞呈府呈司在案不瑣當蒙鈞批飭縣委查詎知事一味袒庇隱攔不行民等因衆怒已深恐釀禍變昨復以奉批聲明事續呈而知事竟始終護短不遵鈞批派委逐查乃照會本區鄉議事會據實具覆黨惡至再令人切齒民等特就其說呈請察核焉我區鄉議事會僅十五員以議員而兼學務員者傅儒門也兼文牘者李鵬即俊也肄業監獄法政者宋名世即繼忠宋際理即瑋也此數人皆自逞小有材堅僻成性視鄉董宋際隆鄉佐鍾文

棠若傀儡故一切悍然爲之而不顧其餘劉定棻即子香朱大藩即人陳心授輩類皆分吞食鹽公道不虧自己者即有潔身自好之流亦冰炭不合理亂不聞甘引避而不到會今知事以逐查區員重案委諸魚柳一串之鄉議會真是教猱升木爲虎作倀其黨惡已達極點况知事有監督全權區員敢作敢爲應早調查譴悔毋使民怨滋深乃爲不放棄責任及民等上控鈞批發下猶委諸鄉議會查覆徒爲兩面之光世上有如此監督乎民等抱憤莫伸竊恐急兔反噬據情上瀆願除猛虎之苛爲此除呈內務司外理合縷陳情由抄粘縣斥原批云云及續詞續批呈請都督民政長察核准飭委提一千到案訊明虛實併究若再仰縣查覆則袒護尤甚民等終不復見天日矣不勝禱祝之至計抄錄縣批續詞續批等情據此除批此案前經批飭該縣羅知事查辦何以僅令鄉議事會查覆究竟有無不實不盡之處候仍令飭接任知事秉公查明分別辦理可也此批挂發外合行令仰該縣知事即便查照辦理此令

湖南民
政長印

中華民國二年十二月三十一日

公電

本省發電

都督兼民政長致參謀陸軍部電

北京參謀陸軍部鑒奉東電轉傳 大總統令湘省水上警察應歸長江巡閱使節制等因查湘省現設水警察籌備處擬將原有之選鋒飛船長勝澄湘岳沅等五營水師改編水警以符部章一俟組織告成即遵電通飭知照謹先電覆都督湯叩支印

都督兼民政長致湘鄉縣知事電

湘鄉縣知事江電悉仰仍嚴飭黃國樞將其兄黃國柱國民黨證書尅日交出呈繳毋令藉延爲要都督兼民政長湯支印

都督兼民政長致會同縣知事電

洪江轉會同知事支電悉院頒公文程式前經飭司隨文頒發何以尙未奉到仰候補發一份遵用都督兼民政長湯微印



中央來電

參謀陸軍兩部致各省都督電

武昌段都督長沙湯都督南京馮都督南昌李都督安慶倪都督奉 大總統令前經任命張勳爲長江巡閱使所有鄂湘蘇贛皖五省江面水上警察應歸該使節制以重巡防該督等應即查照可也等因特達參謀部陸軍部東各省來電

山東靳都督田民政長致國務院參謀部陸軍部各省都督民政長電

北京國務院參謀部陸軍部各省都督民政長鑒江日晚七鐘魯省軍法課押犯王長慶等十名乘間潛逃當由城守司令指揮官拏獲回五名市井如常秩序安定餘飭嚴緝逸犯外恐傳聞失實特電奉聞靳雲鵬田文烈支印

鄂民政長致 都督兼民政長電

長沙湯都督兼民政長鑒江電敬悉公署成立不勝欣賀幸託德鄰諸希提指鄂民政長呂調元微印

黔護軍使致 都督兼民政長電

長沙湯都督鑒江電奉悉湘爲亂黨根據民不堪命久矣我公如武鄉治蜀大張法紀民慶更生公署成立造福未艾黔疆鄰近受蔭尤多無任企賀黔護軍使劉顯世叩微

各屬來電

會同知事呈 都督兼民政長電

長沙民政長鈞鑒陷電敬悉頒發程式今尙未奉到懇飭郵迅遞俾有遵循會同知事秦道呈支印

綏審知事呈 都督兼民政長國稅廳長電

長沙都督國稅廳長行政公署鈞鑒按本年田賦知事任內已解過四千兩在案現知事嚴厲催征又於本月二號由洪江銀行匯解二千兩合前解四千兩共計六千兩矣又二年度預算概算決算各表已由郵局寄呈鈞署至自稱委員之蕭荃及其各證據業於二號派隊護解赴省矣特此電稟以慰厯念綏審縣知事曹承鼎支印

公文

都督兼民政長致 教育部函

逕啓者案據湖南教育司呈稱案據鐵路學校呈稱案奉鈞司函開案奉都督令開准 教育部咨開爲咨行事各項專門學校規程業經本部訂定公布所有畢業年限以及各科科目較之前清學制不無異同查專門學校令第六條公立私立專門學校之設立變更廢止均須呈報教育總長得其認可本部去歲規定學校辦法凡前各省官立專門學校統改爲公立凡公立專門學校亦有改爲私立者是學校性質已不無變更情事自應遵照定章並參照歷頒部令另行訂定章程呈請認可業經本部咨行各省轉飭各按定章呈由該省行政長官咨部查核在案現計遵照定章據具章程呈請認可者固多然照章辦理未經報部者亦屬不少並有該校變更各節尙未據報竟將學生名冊送請本部核准者似此情形不惟有背部章即於辦理手續亦屬困難亟應再予申明凡在前清學部立案之官立私立專門學校務將修正學則及辦理情形從速報部否則將來辦理畢業時雖有成績表冊呈報到部無從准予備案相應咨行貴民政長轉飭遵照可也等因准此合亟令行該司即便遵照轉飭各校遵行等因奉此相應函達貴校煩爲查照辦理等因奉此竊本校辦法章程及各科科目原係遵照部定專門學校規程切實辦理茲奉前因謹將本校現行章程及各科按期教授細目與各班學生姓名籍貫入校年月畢業時期清摺并遵照部令開具事項一覽表呈請鈞司轉呈都督府以憑咨

部核准備案等情據此理合具文呈請鈞府俯賜察核轉咨 教育部查核備案實爲公便等情據此相應函達 大部請煩查照備案此致

教育部

計送現行章程教授細目各班學生姓名履歷一覽表各一扣

都督兼民政長致 教育部函

案據代理教育司舒翰祥呈稱案據湖南第一法政學校代表銀文煥湖南第二法政學校代表戴真銓湖湘法政學校代表姚聯奎羣治法政學校代表任紹選愛國法政學校代表楊道南函稱頃閱高等法院布告司法部制定甄拔司法人員準則凡十七條具見中央政府慎重司法之善政惟第一條所列與考資格祇規定外國大學專門各校及本國國立公立專門各學校畢業生並充私立法政等校教授三年以上者訖未提及私立法政各校學生得與考試明文查現在私立各校或經教育司許可或經教育部立案其中學則均遵照部定規程辦理所有各校班次有曾經舉行畢業者有已達一二學年者校中各生負笈求學不少學識湛達之士一旦難於與考非惟向隅抱戚抑且阻其進取之心况我國國立公立各法校多因財政支絀每省不過設立一二校甚難發展全賴私立各校爲之輔助拓張教育今部定準則雖非正式考試法官章程然於教育進行實多妨礙况環球諸先進國教育之發達莫不原因於私校即我東亞之日本其政府提倡私校不遺餘力以故私校林立教育日宏其尤著者爲早稻

田及慶應明治各大學人才輩出遂創維新之局我國肇造共和改良法律對於法政教育尤宜積極提倡以爲種種建設人才之預備至拔擢人才似宜以學識優劣爲標準決不能視學校公私爲低昂代表等忝附學界應負維持之責是用公懇鈞司電請教育司法兩部准予私立各學校畢業生一律得以與考以昭公允而維學務等情據此查該代表等所呈各節是否可行本司未敢擅准理合據情呈請鈞府俯賜察核電達

教育司法 兩部核示遵行等情據此相應函達 大部請煩查照酌奪見覆以便飭遵此致

教育司法

都督兼民政長致國稅廳籌備處函

逕啓者案據巴陵縣知事曹作弼呈稱案查元月十號國民龔鳳章等稟稱民等六排十七姓祖遺西轄大城池丈載巴弓實畝五萬四千一百四十四畝三分七釐派漁糧八百九十四石三斗六升科銀六十五兩二錢四分自前清同治年間江隄潰決池內水衝沙壓塊段淆而欺隱衆冊據紊而遺漏多歷年賠墊額糧冤達極點請示清丈以全水課復據區董李震濤等轉呈前情經前兼代知事張荻年飭令六排十七姓會同業戶丈量並照會團董確查繪具圖說呈候核轉七月一號龔鳳章等以丈清冊懸按畝攤費以資彌補等情稟經前賀知事民範批示各業戶照繳八月十一號業戶易必勝等以抱糧苛征等情控六排馬弼卿等並請詣勘諭丈改漁升秋經前代理知事歐陽潤照會西鎮清鄉局委李吉秋等就近查復而易必勝等迭

呈情願升秋由業戶自行完納不歸六排人經收龔鳳章等又訴各業戶砌誣抗費藉秋霸糧懇請傳訊等情各在卷知事蒞任六排馬弼卿等及業戶楊殿邦等先後呈催十二月三號集訊兩造供詞各執繳到證據又多殘缺不全只得斷令本年漁課暫仍責成馬弼卿等如數收繳查該池毗連監利原係汪洋巨浸土著六排人等取漁完課多歷年所嗣因逐漸淤高六排人展轉售與監籍各業戶每畝歲派錢十六文歸六排戶內完課本年六排因攤丈費於業戶業戶不願納常課於六排以致互相訴訟各請升秋除飭兩造本年暫仍照舊外應否改升秋糧理合呈請都督先期遴委下縣會同丈明呈候核辦以裕國課而息民爭等情到署據此查此案關係變更稅則應隸貴處主管範圍除令行該知事知照外相應函達貴處請煩查照核辦飭遵此致

國稅廳籌備處

呈批

都督兼民政長批

礬業總公司胡炳熹等縷情呈明懇核覆由

查此案已據實業司呈稱青礬一項係由礬渣熬成必須依礬礦爲根據若辦有礬礦取渣煉礬自無膠礬否則必須收買他人礬渣自行提煉利之所在即爭端所伏該商胡炳熹等並未正式開辦礬礦亦未稟明何處開掘之礬礦可以約定運熬前據具呈請設湖南全省礬業總公司業經照章批駁乃該商等以不能在司立案復一再赴部呈請核閱原呈妄引民國約法各國商律多係斷章取義所請發起各熬礬商戶會議一節自不能照准辦理等情業經本兼民政長函復 工商部在案着即知照毋再呈瀆此批

湘陰李翰垣呈爲優容暴徒置案不理具控李開文等一案由

李開文等如果藉捐祠款爲名向爾家惡索殊屬不合惟當日既未取款而去不過語言口角事隔多日李開文等又未再向滋擾是爾毫無損失何必砌詞來府曉瀆此批

廣益學校學生謝冠軍呈請給發津貼學費並飭教育司函達審計處核發由

呈悉該生肄業廣益學校所給津貼既據教育司函復審計分處未經核准自應遵照所請飭教育司并函審計分處一節應毋庸議此批

安福吳先鳴等呈因火災請暫撥款接辦警察由

合口地方火災之後警費支絀自係實情惟此項經費究當如何籌集應赴該縣呈明就地設法所請發給賦稅之處碍難照准此批

易敬秋等呈因佃年魚套餘地鐵路工程處逼限退還請寬限由

查此案昨准湘路工程處函稱路綫界內所造房屋前湘路公司分批佃庄時均經取具甘結載明所佃地段或從權起屋若路綫應用此路之時即拆屋還基不得拖延時日亦不得央求資補等語現在此項地段經工程局勘明需用自應照結拆還總佃戶蕭子雲等玩抗不遵請飭警廳拘禁等因當經令行警廳在案茲據前情仰即遵照毋得抗延干咎此批